

Nuuk, 5/12 2022

Uunga: APN

Tiguisisussa: Rebekka Jensen

Sustainable Fisheries Greenlandip (SFG) matumuuna 2023-mi saattuanut TAC-mut tusarniaanermut atatillugu akissuteqaatini tunniuppaa.

SFG isumaqarpoq aalisarnermi matumani aqutsinissamut pilersaarut malinneqassasoq. Taamaammat SFG isumaqarpoq 2023-mi sumiiffinnut tamanut tusarniaanermut allakkiami immikkoortoq "TAC-mut siunnersuut 1 2023" naapertorlugu aalajangersaasoqassasoq.

Ilisimatuussutsikkut siunnersuineq 2023-mi TAC-mik aalajangersaanermi tunngavigineqassappat (immikkoortoq "TAC-mut siunnersuut 2 2023") sumiiffiit ilaanni pisassiissutit qaffangaatsiarnerannik kinguneqassaaq. SFG isumaqarpoq siunnersuineq paasissutissanik amigartunik tunngavilimmik siunnersuusiari-neqarsimasoq nalorninangaatsiartuusoq. Nalornineq taanna aqutsinissamut pilersaarummi TAC-mik allannguinnissap killeqarneranut pequtaataavoq.

Sumiiffinni arlalinni siunnersuiner-mi tunngavigineqartut killeqarnerat pequtugalugu SFG-p ukiuni tulluuttuni sumiiffinni immikkoortoq 1-tut aamma immikkoortoq 2-tut nalunaarsorneqarsimasuni ilisimatuussutsikkut misissuisoqartarnissaa sakkortuumik kajumissaatigerusuppaa. Tamanna siunissami tatiginartumik siunnersuisoqarsinnaanissaanut pingaaruteqarlunilu navianartorsiortitsinnginnissaq aallaavigalugu siunnersuisoqarnissaanik kiisalu pisuussutinik pitsaanerpaamik atorluaajuarnissap qulakkeernissaanik siunertaqarpoq.

Ilisimatuussutsikkut misissuinerit, assersuutigalugu saarullit nunap qanittuani aalisarneqartartut pillugit misissuinerit annikillisinne- risigut, aningaasassaqalersinnaapput. Nunap qanittuani saarullit aalisarneqartartut pillugit aqutsinissamut pilersaaruteqanngilaq, TAC-lu ukiorpassuarni siunnersuineq umiarsuarlu (Sanna) aallaavigalugit aalajangersarneqartarsimavoq, taamaammat umiarsuarmi saarullinnik misissuiner-mut piffissamut atorneqartartumut taarsiutigalugu 1:1 saattuanik misissuiner-mut atorneqarsinnaavoq. Tamatuma saniatigut saarullit pillugit siunnersuisarneq ilisimatuussutsikkut misissuinerit atorlugit ukiut tamaasa ingerlanneqarnatik ukioq ataaseq allortarlugu ingerlanneqartarsinnaapput. SFG tamanna pillugu piffimmi allami itisileerusullunilu ajornanngippat GN-mik oqaloqateqarusuppoq.

TAC siunnersuiner-mik tunngavilimmik aalajangersagaq aqutsinissamut pilersaarummik tunngaveqarluni aalajangersaanermut sanilliullugu 2023-mi pisassiissutinik annertunerusunik pisassiiner-mik kinguneqassaaq. Angallatilli ataasiakkaat 2023-mi sumiiffinni pingasuni aalisarsinnaasutut killilerneqanngippata, tamatuma malitsigisaanik pisassiissutit

atorluarneqarnerullutillu aalisarneqartut amerlissagaluarput. Taamaammatt SFG-p saattuarniarsinnaanermut akuersissut Kitaa tamakkerlugu atuutsinneqarnissaa innersuussutigaa.

Inussiarnersumik

Sustainable Fisheries Greenland